



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ**

N 108 - Ա
04 հուլիսի 2013 թ

**ՄԱՐԶԻ ԾՈՎԱՍԱՐ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ
ԳՈՐԾՈՒՆԵՈՒԹՅԱՆ ՎԱՐՉԱԿԱՆ ԵՎ ՖԻՆԱՆՍԱԿԱՆ ՀՍԿՈՂՈՒԹՅԱՆ
ԱՐԴՅՈՒՆՔՆԵՐԻ ՄԱՍԻՆ**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77¹, 77², և 77³ հոդվածների և Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6-րդ կետի դրույթներով

որոշում եմ՝

1. Առաջարկել մարզի Ծովասար համայնքի ղեկավարին՝
 - 1) Խիստ ուշադրություն դարձնել համայնքի բյուջեով նախատեսված հարկերի գանձման աշխատանքներին, կատարելով «Տեղական ինքնակառավարման մասին» ՀՀ օրենքի 34-րդ հոդվածով նախատեսված լիազորությունները:
 - 2) Դրամարկղային գիրքը վարել «Դրամարկղայի գործառնությունների մասին» ՀՀ օրենքի 5-րդ հոդվածի պահանջով:
 - 3) Միջոցներ ձեռնարկել քաղաքացիների կողմից չվճարված հարկերը գանձելու ուղղությամբ:
 - 4) Ղեկավարվելով «Տեղական ինքնակառավարման մասին» ՀՀ օրենքի 37-րդ հոդվածի դրույթներով, ձեռնարկել համապատասխան միջոցներ և սահմանված կարգով համայնքի բյուջեյում նախատեսել համապատասխան գումար համայնքի /բնակավայրի/ գլխավոր հատակագիծը մշակելու համար: Ծարտարապետահատակագծային առաջադրանք տրամադրել ղեկավարվելով ՀՀ կառավարության 2002 թվականի օգոստոսի 29-ի N 1473-Ն որոշմամբ սահմանված կարգով, ճարտարապետաշինարարական նախագծերը համաձայնեցնել ՀՀ կառավարության 1998 թվականի դեկտեմբերի 21-ի N 812 որոշմամբ սահմանված կարգով: Ծինարարության թույլտվություն տրամադրել ՀՀ կառավարության 2002 թվականի փետրվարի 2-ի N 91 որոշմամբ հաստատված կարգով, ավարտված շինարարության շահագործման փաստագրում ձևակերպել ՀՀ կառավարության 2003 թվականի մայիսի 8-ի N 626-Ն որոշման հաստատված կարգով:

- 5) Հաստատել ներհամայնքային առևտրի կանոնները և ուղարկել պետական փորձաքննության:
- 6) Առևտրի և ծառայությունների բնագավառում հսկողությունն իրականացնել "Առևտրի և ծառայությունների մասին" ՀՀ օրենքի 17¹ հոդվածի պահանջներին համապատասխան:
- 7) Համայնքի ղեկավարի կողմից առևտրի և ծառայությունների ոլորտում իրականացված հսկողության արդյունքների վերաբերյալ մարզպետարան ներկայացնել հաշվետվություն "Առևտրի և ծառայությունների մասին" ՀՀ օրենքի 17 հոդվածի 2-րդ կետի պահանջներին համապատասխան:
- 8) Ղեկավարվելով „տեղական ինքնակառավարման մասին,, Հայաստանի հանրապետության օրենքի 32-րդ հոդվածի 1¹ կետի պահանջով համայնքի ղեկավարի կողմից ընդունած որոշումները 2-օրյա ժամկետում տրամադրել համայնքի ավագանու անդամներին և փակցնել բնակչության համար տեսանելի վայրում:
- 9) Համայնքի ղեկավարի և համայնքի ավագանու կողմից ընդունած իրավական ակտերը իրենց վերնագրերով, ներածական մասով,կառուցվածքով, իրավական տեխնիկայի կանոններով և ժամկետայնությամբ համապատասխանեցնել <<իրավական ակտերի մասի>> Հայաստանի Հանրապետության օրենքի 37,40,41-րդ հոդվածների պահանջներին:
- 10) Ղեկավարվելով „տեղական ինքնակառավարման մասին,, Հայաստանի Հանրապետության օրենքի 30-րդ հոդվածի 6-րդ կետի պահանջներով գյուղապետի որոշմամբ հաստատել և գործողության մեջ դնել համայնքի ավագանու և համայնքի ղեկավարի կողմից քաղաքացիների ընդունելության կազմակերպման կարգը:
- 11) Վարել համայնքի ղեկավարի, ավագանու և համայնքի ղեկավարի աշխատակազմի քարտուղարի կողմից ընդունված իրավական ակտերի 2010-2012թթ. հաշվառման մատյանները:

2. Սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 31-ը:

3. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:

4. Սույն որոշումն ուժի մեջ է ստորագրման պահից:

ՄԱՐԶՊԵՏ՝



Ռ. ԳՐԻԳՈՐՅԱՆ